




羅浮山志

ル 5  
1314  
10



明 凡 5  
號 1314  
卷 10 止

凡 5  
號 1314  
卷 10





羅浮山志會編卷之二十一

長洲宋廣業澄溪纂輯

藝文志

國朝五言律詩

宿金沙洞

谷口雨霏霏。樵蘇向晚稀。寒花秋盡發。孤鶴夜深歸。  
松定聞泉細。峯高見月微。幽懷如有待。竟夕倚巖扉。

羅浮雜詠 四首

風無大小吹得石樓飛。一片水簾影紛紛落翠微。

月爲玉女鏡花是麻姑衣寄語大蝴蝶相迎羽客歸

其二

空外日氤氳茫茫四百君雨將雙嶽合晴以一泉分  
石柱支青壁香爐吐白雲穿林深淺去驚起碧鷄羣

其三

玉女老人邊玉女峯在老人峯之側窺人出紫煙鏡臺一瑤石  
裙帶兩飛泉明月白成水梅花香在天楓林蕭瑟甚  
夜半尙聞蟬

其四

峯路時時斷翻嫌瀑布多水浮蒼樹去山逐白雲過  
餽客惟朱艸牽人是綠蘿踟躕石梁畔心奈欲歸何

自冲虛觀入錦屏峯

路入黃龍洞陰森山氣秋萬松寒欲折雙瀑日爭流  
月吐金芝草雲開玉女樓泠泠風珮響渾與百靈遊  
繚雲母峯上大小石樓

尚上朱明頂高尋仙子蹤玉樓夾日月秋瀑飛芙蓉  
白髮幾時變青鸞安可從何人弄長笛忽過麻姑峯  
從軒轅宅入迷居洞

山志會編 卷二十一 二  
昨起藥珠峯。行行花影重。林鳥飛落月。山鬼嘯寒鐘。  
野飯芝泉冽。秋衣竹翠濃。昨宵逢道士。疑是七星松。

與諸子訂遊羅浮

梁佩蘭 藥亭南海

羅浮峯四百一半象蓬萊。高作南溟鎮。潛通句曲來。  
帶星壇影立。迎日洞門開。擬共乘龍仗。雲間踏幾回。

其二

高僧前日信道士。隔秋書下界。深愁我名山。實起予。  
鐵橋聽暗虎。金殿看銅魚。紫葛青藤路。何妨駕一車。

蝴蝶蘭

梁佩蘭

生氣鴻濛古。真形物化微。短長山葉裏。團結洞雲飛。  
抱朴中含子。流黃自有機。麻姑長指爪。拾取製仙衣。

其二

神仙騎不得。作繭未成蛾。方寸藏身穩。雲霞釀氣多。  
金丸無可比。玉局更如何。一笑人間世。勞生在蝸磨。

長生井

梁佩蘭

分明天地濶。來作一堂坳。澗畜神湖水。花垂若木梢。  
鬱儀回紫炁。太極在元包。何必華陽洞。騎龍訪大茅。

其二

窈窕雲穿洞玲瓏乳滴巖山都爲客使啞虎是門監  
丹氣長空塞峯形一角銜夜來壇影入星月滿楓杉

五龍潭

梁佩蘭

斷得龍葱竹行來不用扶龍潭穿洞曲鳥道立人孤  
冰雪風難斷芙蓉影欲無請看銀作殿何處不天都

贈隱者

梁佩蘭

昔爾羅浮去高登四百峯身當騎暗虎身自割乖龍  
海日通瑤室山雲起鐵筇靈踪如不隔仙夢繞芙蓉

送離幻禪師歸羅浮石洞

梁佩蘭

漸老妨幽獨逢人感別離那堪當臘日相送更禪師  
孤雁聲何切閑雲去不知名山精舍在想見護寒時

過黃牛徑用東坡鐵橋韻

王煥子于

石屋依巖啓深篁隱葦門繞溪梭石髓倚杖剔雲根  
野粟香於藥山苓味代殮避秦人已遠此地賸桃源

合掌巖坐石觀瀑再用前韻

王煥

危磴攀蘿陟悠然有一門飛泉生靜籟古樹結靈根  
坐石心如洗忘機口廢殮崑崙原不遠明日更尋源  
華首樓用東坡居儋耳贈子野韻

王煥

大塊本逆旅斯樓草草成鮮霞拂低棟皎月移高檠  
桂蘭蘊幽香琅玕憂清聲真人昨至止戒我學長生

舟從明月寺出泊頭

繆時鳴

西泠香山

秋江渡明月月明人到門非關遠公約為憶梅花村  
深樹轉籬落側岸繞芳蓀相逢問漁父或者是桃源

宿華首臺作呈湫霞懷覺慧音三上人

繆時鳴

古寺雙溪合雲流度度移人尋新逕路誰破舊籬籬

山鬼能聽梵龍天亦探奇高高峯四百長嘯在臨岐

鐵橋

繆時鳴

鐵橋雙險絕上下寒雲垂逝者自今古山情無合離  
水龍吟澗底秋石長蓀枝白滿東樵月吹簫獨過時

詠仙物 二首

宋廣業

澄溪長洲

遺薪

修體細腰類蚱蟬觸之挺足潛伏與草莖無別相傳葛仙燒丹遺薪所化

丹井宿荒煙餘生火宅邊自甘同草芥不分作薪傳  
靜得無心忍心依枯木禪人屢嬾垂手差勝地行仙

脈望

若遊絲若蛛網首尾循環不斷斷之有血常挂草木上山中人識之古謂



靈魚三食神仙  
字化為脈望

食古終難化小蟲曾不如白魚成脈望慧命在詩書  
仙跡原無字循環用有餘莫辭數行墨披卷問居諸

歸羅浮作

石洞 僧元覺 離可

相逢多不語。此別復何言。濁世能無我。閒身自有邨。  
名峯聞積雪。古木下寒猿。若問還山路。郎官舊洞門。  
同諸子宿通天巖

僧元覺

短策入荒煙。棲心到石邊。四山當落日。一逕逼諸天。  
樹底看星聚。身高對月圓。悠悠人世事。今古正茫然。  
石洞懷友人

僧元覺

雲過百花陰。人歸一洞深。易尋仙子跡。難著世間心。  
好鳥鳴高樹。涼風吹素衿。長吟發清响。何處寄知音。  
望羅浮懷舊隱

石洞僧

羅浮殊有情。久別若平生。知我舊賓主。隔江遙送迎。  
片雲開石洞。高鶴下朱明。是處有人在。半空聞笑聲。  
寄題羅浮山

吳一蜚

怨菴長洲

十載天南夢。朱明古洞天。煙嵐千丈迥。卉族四時鮮。  
葛令踪猶在。麻姑跡儼然。何當御風去。長嘯揖羣仙。

遊羅浮

李遙穀

南禾崑山

爲訪羅浮勝。紆迴一徑通。仙壇雲未散。丹竈火猶紅。  
鶴立溪頭月。松吟石上風。神仙或可接。何必問崆峒。  
遊羅浮

屠孝義

達菴四明

羅浮山志會編 卷二十一 九  
林列東西寺石分大小樓探奇因陟險攬勝必窮幽  
古木撐雲出清泉帶藥收仙踪應不遠我欲問丹邱

老人峯

屠孝義

何代龐眉者昂藏洞壑春獨留真面目不改舊精神  
海上風霜古山間歲月新翛然長抱膝閱盡眼中人

題羅浮山圖

陳培脈 樹滋長洲

結想羅浮勝四百三十峯披圖欣一笑手弄碧芙蓉  
玉女雲中見麻姑天外逢何當身化蝶去去躡仙蹤

夢遊羅浮山

楊點 仲高吳明

我夢羅浮好岩堯四百峯茫茫滄海外處處白雲封  
幻化隨仙蝶逍遙跨玉龍言尋勾漏令洞口記曾逢

羅浮道中

釋行敏 惺學

松聲頻入耳一路納笙簧瑞草迎風舞仙禽呀客狂  
有山皆畫譜無地不文章歷覽猶餘興林梢掛夕陽

葛仙丹竈

釋行敏

溪山霽色好扶杖步空臺煉汞人何去尋丹客始來  
雲封仙子跡鶴唳僻情灰日影沈林表孤踪傍月回

四賢祠

湛甘泉建以祀周濂溪羅豫章李延平陳白沙久廢有石碑在豐草中

顧嗣立 俠君吳門

獨往黃龍洞。荒祠懷四賢。水飛仙洞直。松護古壇偏。  
講學神仙窟。逃名木石邊。斷碑存舊跡。猶記湛甘泉。

合掌巖

屠孝義

翻覆為雲雨。都言世道難。因思歸掌握。不忍作旁觀。  
翠嶽煙霞靜。蒙茸草木寒。和南應有意。終古耐人看。

望羅浮石洞舊隱

釋成鷺

羅浮如有情。相見若平生。知我舊賓主。隔江遙送迎。  
片雲封石洞。孤鶴下朱明。只處有人住。半空聞嘯聲。

泊頭登岸

劉世重 仰山香山

秋屐辭江滸。煙筇接洞門。鳥聲欣夕霽。花氣向山繁。  
木杪生微徑。藤梢入古村。矐真峰四百。何處問仙源。

登華首臺呈塵異上人

楊應琚 佩之奉天

未去延祥寺。先登華首臺。四圍山勢合。一道瀑泉來。  
巖合仙人掌。溪流玉女杯。老僧偏愛客。杖履日追陪。

五色雀

楊應琚

本是蓬萊種。何須去上林。無心常得見。有意不能尋。  
却似鳳凰色。而懷鷗鷺心。羅浮峰四百。棲止一何深。

燕子巖

楊應琚

既愛棲巖穴應嫌傍屋簷  
海雲開錦幙天雨下珠簾  
細語無人聽高飛總不厭  
千尋一片石終歲草纖纖

題丫髻峰

楊應琚

不解麻姑意何來羅水陰  
雙鬟出天表四面隔雲深  
我欲踞山頂爲君插玉簪  
會當風雨至幽思杳沈沈

和修上人午度佛凹嶺之作

楊應琚

度嶺日將半肩輿至此停  
路餘一線白樹拔兩峰青  
虎露懸嵯跡龍翻澗水腥  
衆人驚險絕我欲瞰滄溟

題朱明洞

楊應琚

說是朱明洞朱明意若何  
峰環山勢正洞納日光多  
石上流泉水松枝掛薜蘿  
先賢有遺跡風雨亦須過

山中夜雨同友人拈韻分賦

楊應琚

春夜空山雨幽蘭乃發生  
雙溪流水急幾樹落花聲  
秉燭雖無興銜杯却有情  
野田從此潤我欲荷鋤耕

羅浮山夜雨聽符子彈琴

楊應琚

抱琴居海上相約至山中  
一鼓漁歌曲瀟湘雲水空  
五絃和夜雨十指生清風  
幽興杳無極西窓剪燭紅

多少宮商曲皆藏十指中調隨流水急聲入四山空  
吾輩厭新曲先生有古風羅浮今夜雨花落石樓紅

羅浮山志會編卷二十一終

五言排律詩

奉題惠州王子千太守羅浮紀遊詩後并以  
為贈

惠陽賢太守公暇事羅浮再作袁宏疏重開鄧岱遊  
千旄先白鹿人吏後青牛主客參雙嶽仙靈至十洲  
麻姑披露晁葛令拂雲裘五色禽時逐三花樹輒留  
折梅毛女澗行藥羽人邱肘腋東西瀑房櫳大小樓  
燭龍鞭子夜冰兔洗晴秋水使三千擊峯將四百收  
蓬萊持一股齒齒取雙頭夙曩靈胡力爐錘大造愁

天○心○窮○斧○鑿○地○肺○恣○雕○鏤○句○出○穿○霞○壁○篇○驚○倒○雪○流○  
盡○傾○辭○匠○巧○竟○絕○壯○夫○謀○半○月○交○吟○嘯○羣○賢○迭○唱○酬○  
體○裁○爭○擬○謝○才○藻○總○依○劉○踞○石○棋○盤○設○攀○蘿○磴○道○修○  
平○拋○夸○父○杖○險○用○博○臺○鉤○雀○躍○鴻○濛○喜○熊○經○疾○痛○瘳○  
煙○嵐○生○翼○翅○洞○府○得○咽○喉○蝴○蝶○車○輪○駕○籠○篋○曲○管○抽○  
糞○香○來○巨○鳥○釀○酒○有○靈○猴○宮○闕○芝○華○割○金○銀○艸○汁○投○  
頓○能○餐○養○壽○不○必○樹○忘○憂○冲○舉○嫌○偏○早○流○離○恐○未○鳩○  
經○營○勞○牖○戶○疆○理○及○河○溝○廣○置○春○香○碓○全○膏○秀○麥○疇○  
板○搖○資○灌○溉○輦○客○荷○綢○繆○犬○吠○宵○沉○柝○豚○操○歲○滿○篝○

泉源長受福。碇石永蒙休。王繫三江帶。珠懸十縣旒。  
舉帷還象嶺。拄笏更龍湫。教養姑爲郡。循良卽拜侯。  
禮加磨鏡數。情向抱關優。飲御賓恆在。棲遲士必投。  
蘭膏供夕誦。秬米佐晨羞。井竈齊嬰待。錢刀義季求。  
鷺城頻下榻。鱷渚每停舟。柁響知漁父。琴歌識玉舟。  
宮商千里應。清濁一時酬。麋鹿鳴芳杜。鳧鷖媚碧秋。  
甘能珍肝臠。苦不棄瓠蘆。卉木稽含辨。蟲魚陸佃哀。  
枕椰隨蔽翳。翡翠任啁啾。扇繪多么鳳。書馱或果騮。  
無防終薏苡。有慶始麩麩。雉兔閒長網。桑麻廢大蒐。

條風紛鼓舞。陰雨重和柔。樵悴民雖解。痾瘵已尙妯。  
神明元至道。孝友亦嘉猷。代燕何煩鮑。知魚最是周。  
願叨棠蔭大。遙庇桂叢幽。梁化吾真羨。天私此一州。

家大人輯羅浮山志會編告成敬賦二十韻

宋志益

端齋長洲

羅與浮相傳名從汗簡傳。幽遐鄰瘴海。聳秀甲南天。  
蓬島神山接華陽。地脈連縈迴環澗。壑杳渺繞雲煙。  
自古多仙跡。于今尙宛然。麻姑峰窈窕。玉女影嬋娟。  
苔護燒丹竈。香浮種藥田。鐵橋橫碧漢。石鏡澈寒泉。

境絕行人少。靈鍾物類偏。蒲生九節異。芝吐六英鮮。  
蝶化恆棲洞。龍潛或在淵。四時花似繡。百尺竹如椽。  
勝境誰能繪。奇聞未易詮。袁宏曾作疏。王冑待摩編。  
薄宦來遊遠。高堂色養專。著書耽寂靜。蠟屐偶遷延。  
哀錄須求備。蒐蘿殆得全。志成同博物。序述富鴻篇。  
剗剗功初竣。縹緗色更妍。名山藏弄處。不朽埃他年。

羅浮百韻

劉世重

仰山香山

勝境饒吳越。名山最益梁。洞天虛古榷。福地限遊韉。  
近挹羅岑峻。遙臨粵嶠長。浮峰渾合影。蓬島半來翔。



羅浮山志會編 卷二十一  
四  
截嶠朝羣巘芊綿巨大荒雙靈森竝峙巨壑鬱相當  
直奠長離位橫濱牛女鄉乾坤騰氣象呼吸沸滄浪  
虛籟千叢發迴飈萬騎驤丹梯扶日月壘障闕陰陽  
氣迴岷峩接源深句曲藏聚霞何奕奕飛瀑更泱泱  
鹿嶺升磅礴龍隈闢混茫攀蘿披邃谷捫磴陟高岡  
遂入無人境旋依古道場老僧迎皓髮童子侍清揚  
的皜巖花媚蒙茸雪蘂香延祥悲廢寺寶積禮空王  
佛迦開元舊泉探景泰芳戒壇餘鐵像貝葉耀青緗  
緬邈都虛址徘徊廣莫廊魚龍殊玉質鸞鶴迺霄颺

縱目朱明外按奇丹竈旁衣冠猶蛺蝶松竹自笙簧  
經始從勾漏重修逮葆光咸和成往蹟天竺至今詳  
御簡亭何在真人閣已亡藤梢通一線榛莽豁中央  
井里萌茨萃田廬銓艾忙美人空佇立幽夢想荒唐  
雞黍煩遺老村醪具折鐺松風聊偃仰梅月足徜徉  
積葉填頽徑繁英覆短牆林巒供遠矚谿岫渺難量  
夕憩紺宮冷晨興白露灑虎巖還躡屩劍石故攜筇  
杞菊扶衰物菖蒲養正方行行隨蠟屐采采及新涼  
赤喙看鸚鵡彤雲指鳳凰冬葵交白角南燭翳青羊

孤塔凌雲聳中宵見日常層城瑩阿耨曦景浴扶桑  
絕壁窺天險懸崖帶曜僵振衣三界得抗首七星將  
越澗仍躡步循溪或褰裳藥槽歸翠鳥符竹鎮蛇狼  
小圃營坡老闕園陋辟疆秀芝恒五色喬木每千章  
鮑守雲邊鳥安期醉後觴麻姑曾振佩玉女復鳴璫  
觀宇淪荆棘精籃占野裳蘭榮抽露本笋茁吐煙槍  
公子思如結先生喜欲狂清芬矜滿袖甘脆藉克腸  
奮往金沙路迤邐藥市坊黃龍南漢殿紅玉列仙糧  
挂臂聞猿狖爭林見豕麀物華驚錯愕土植訝輝煌

瘦滑枕榔杖葳蕤玳瑁牀文禽登翡翠彩翼失鴛鴦  
竹箭寧差等元龜豈頡頏樂材桐梓並藥味芷苓相  
卉以朱茅貴機宜白葛良離離金綿紫若若御柑黃  
異果連京洛奇珍怪狄羗荔枝攢絳實龍眼蘊瓊漿  
登頰櫛萋赭祛痰桂蠹蒼歲時喧楚估迢遞塞吳艘  
况是維摩室而躋般若航旃檀開淨域法雨蔭璇房  
世界諸緣盡神休百族昌元冥司澍澤祀事著明堂  
帝子祝融宅諸侯鷓鷯行夙勤天子命時舉咎氛禳  
奔走金龍燦祇承玉版張國家欽祀禱嶽瀆介宗祊

宣室南山獻豐年福兆臧千秋懸醮典奕禩儼趨蹌  
未擬泥封盛終誇覽眺強憑虛窮窈窕投策息簣管  
恍遇逍遙子如逢抱朴郎草跌纔一瞬煙語詎能忘  
野澗雲初散風清日正暘鐵橋尋木客瑤石叩金閭  
此地原仙窟茲辰屆肅霜思山卑岱霍觀海小溟滄  
樹抹浮沉靄晴飛縹緲檣郊原紛歷亂岷嶠互低昂  
夜靜傳仙梵秋高響穴螿石門開石鼓天竇落天潢  
柳拂談經座花沾拜佛牀雲疑排五嶺川欲控三湘  
酒熱呼張旭詩成憶謝莊倦來頻徙倚興劇轉徬徨

霞賞收冥奧山餐煮蕨芒只堪謀茗椀不必繫萸囊  
汗漫遺塵鞅登臨得大綱遠遊冠自好東郭履何妨  
久蓄尙平願行爲五岳裝會須同許磻蚤晚遍衡匡

遠一筇先擬鐵橋飛朱明達曙冰含日玉女深宵月  
照衣最憶幾藜香雪裏綠毛么鳳遶人歸

送黃燕思遊羅浮六首

梁佩蘭

登臨難得值春晴况是名山夙願成巖壑生靈

入蓄尚平飄行爲正岳集會能同荷靜蚤卸盡衡  
千變費壘蟬登調昏大睪鼓蕤辰自後東溘風可世  
靈貴外真奧山登蒼蕪芋只掛藉苔澌不必藥煎囊

國朝七言律詩

憶羅浮梅花

梁佩蘭 藥亭南海

名山屢有梅花約肯使花時與願違雙屐不忘瑤室  
遠一筇先擬鐵橋飛朱明達曙冰含日玉女深宵月  
照衣最憶幾藜香雪裏綠毛么鳳遶人歸

送黃燕思遊羅浮六首

梁佩蘭

登臨難得值春晴况是名山夙願成巖壑聳來皆黛  
色瀑泉飛出半風聲天從牛女星邊落人向蓬萊頂  
上行試聽雞鳴才夜半海門初日上朱明

石磴銅梁面面逢。分明天畔插芙蓉。何緣拔地三千  
丈。得到磨厓第一峯。身在鴻濛高處立。眼看雷雨下  
頭封。勝遊不減尋幽興。知對山僧夜叩鐘。

曾訪三茅讀道書。羅浮今控羽人車。紅雲擁路聞搖  
珮。白日當空見步虛。洞口有人騎蛺蝶。松根無地捉  
蟾蜍。石樓往日軒轅宅。我亦將尋去結廬。

廣帶天風日夜飄。雲螭驂處卽叢霄。能無仙仗排銀  
殿。好竝長虹跨鐵橋。絕頂望窮三上界。半空飛下九  
靈簫。誰人爲作青精飯。朱草神芝摘玉苗。

有誰筋力勝孤藤。直上高高見汝能。雲日薄來隨上  
下。罡風吹不到崢嶸。青鸞白鶴瑤臺樂。絳雪丹砂石  
室燈。何用華陽將十賚。只須南燭兩三升。

杜鵑花發卽爲春。靈境都忘節候新。衡嶽接連同巨  
鎮。南溟空闊極朱垠。浮雲上結金銀氣。倒影斜安日  
月輪。手翳鳳凰還得髓。賦詩那惜贈詩人。

初冬舟發東江赴錢蔗山明府遊羅浮之約

先此奉柬

梁佩蘭

郡城長夏同攜手。節候驚人忽過秋。病後幾番疎遠

訊身閒今始赴佳遊江空極浦沙盤鶴天入高帆月  
照流欲訪名山尋地主故人先為說羅浮

華首臺夜坐同陳獻孟賦

梁佩蘭

歷歷高臺隔斷煙夜深人似坐空天四方星列衆峯  
外一院月明雙瀑前松影暗移巢鳥亂石堂寒閉定  
鐘圓與君笑指山僧榻此是維摩不二禪

簡書得乾蝴蝶

羽化羅浮不記年丹書蠶食得神仙蜉蝣衣服消冰  
雪科斗文章老洞天尸濁定知悲玉斧魂香應尚在

花田無情易謝人間世朽麥生涯信可憐

朽麥化為蝴蝶

舟過石龍望羅浮山寄華首臺塵異大師

鄭際泰 珠江順德

撲面風塵覲面山洞天翹首有無間神仙可望不可  
即吾道有忙須有閒大藥已成丹竈冷小乘無奈石  
頭頑老人端坐飛雲裏何日尋師扣竹關

綠雲圃試茶用東坡含笑花韻

王煥 子千

華首臺東古洞前燒鑪旋汲洗心泉嶺南臘月如三

月雨後涼天忽煖天圃種新茶醒客醉峯堆頑石答  
僧禪振衣直躡飛雲頂共訝王喬尙未仙

枯山茶再用前韻

王煥

奇材每沒枳榛前喜種靈根傍玉泉盡說異香生瘴  
海却憐珍卉長炎天崖頭枯木禪中夢園吏朝菌夢  
裏禪何用繁言解真訣生新化朽卽神仙

遊羅浮朱明洞天

二首

陶敬肅公

浮傳于羅四百峯峯峯煙霧幾重重千年丹竈今猶  
熱半夜扶輪色已濃華首臺高仙樂響朱明洞古碧

苔封到來塵思三千里疑有松喬旦暮逢

共羨南荒大洞天石樓雙闕對相連浮來奇島疑蓬  
閩化去高真耀簡編策杖時逢仙子蹟迎賓喜有異  
禽傳愧余澹薄甘儒服欲扣朱明問上元

中秋夕登飛雲頂還至鳳皇谷繆時鳴

西泠香山

繆子西泠香山高士也曾遊南嶽力躋岑巘留題  
而返尋入朱明獨策短筇登飛雲絕頂時值中秋  
賞月於鳳皇臺上狂歌痛飲髣髴若有所遇還里  
數日無病而逝臨終時語家人云吾從羅浮來還

從羅浮去一笑掩息東樵成鷺識

青空屏障插天開。險歷巍巍磴道迴。孤策似疑風作  
御。中秋剛是客登臺。三峯鳥認巖邊樹。一逕雲流石  
上苔。道是鳳皇尋不見。花時惟有杜鵑來。

大石樓

繆時鳴

層層隱顯壁嶙峋。青障懸崖隔世塵。欲近天尋雙柱  
石。最高身是二樓人。高高玉女空搔首。遠遠麻姑許  
結鄰。遍地露華流白雪。行邊金線艸如茵。

百花逕

繆時鳴

高天平插兩峯寒。路折雲深欲上難。一逕百花渾似  
綉。懸崖千葉盡成丹。燕多合片巖爲壘。蝶近傳香粉  
帶翰。料得飛瓊閒過此。亦應簪遍紫霞冠。

宿冲虚觀

薛始亨  
劍公

春水新乘錦鯉魚。梅花路入葛仙廬。月籠藥市啼紅  
翠。雲鎖瑤壇秘綠書。玉鳥遺軒通碧落。羽衣荒塚傍  
冲虚。鈞天何處勞清夢。石室閒調五野豬。

擬送吳妙明女真人還羅浮時真人有玉京

上元之召

薛始亨



海客曾乘八月槎名山原屬列仙家松巢老鶴將雛  
子石壁蒼藤落細花絳節有期朝玉闕芳詞何處寄  
瑤華上清路比明河遠秋入晴空片片霞

曉望羅浮

宋廣業

澄溪長洲

四百峯頭接大通天光雲影入晴空好音彷彿來元  
鶴霽色依微挂彩虹洞裏丹砂煙火外仙家雞犬有  
無中憑誰寄語朱明主借我前陂七尺筇

閱前增城令陶肅公羅浮山志寄懷一律

宋廣業

偶因山志識君名選勝懷人逸興生高論竝將崖瀑  
瀉文心爭似碧潭清早歸衡宇思彭澤遍訪名山媿  
向平留得文章藏洞府令人千古憶增城

題羅浮憨山天然兩禪師行楷真蹟

宋廣業

筆力皆從道力通得心應手各稱雄精嚴結構歸圓  
鏡變化神明類轉蓬說法行間成夢刃皈依華首悟  
真空羅浮勝侶知多少禪藻繽紛此二公

慧輪上人見示阿字禪師光宣臺集

雷峯門下固多才派衍光宣道藏開口似懸河無窒礙心如止水絕纖埃密叅至理窮幽境普示顓蒙現聖胎塵世幾經緇後從知不昧是西來

宋廣業

丹霞願來上人見示澹歸禪師徧行堂集

宋廣業

儒佛由來旨不分行藏合道孰如君半生勁節留青史一夕明心禮白雲詩寫性靈歸古澹禪通南北絕紛紜徧行堂集名傳久捧誦真同貝葉文

羅浮山志告成貯版華首臺寄塵異禪師

宋廣業

三年積想問南能華首臺中一箇僧寶鏡早傳三昧印金檠分照五家燈居鄰穗石長如客峯接蓬萊獨自登笑我臥遊遊未得聊憑文獻作明徵

羅浮梅

梅花百詠之一

朱

璋

玉章吳門

梅產羅浮迥絕塵高峯四百護花神淡粧靚服渾如夢冷豔寒香欲逼人丘壑鍾靈超俗品煙霞爲侶得天真因何只有師雄遇千載從無再現身

羅浮山志會編 卷二十一  
欲遊羅浮未果有作

陳葉筠

延望長洲

南望羅浮接杳冥三年辜負洞天行  
雲霞離合歸蓬島鸞鶴迴翔近玉京  
鳥道應餘丹竈蹟蟲書猶記竹符名  
何當高咏懷仙句四百峯頭看月明

羅浮

管永賢

書誠吳縣

聞說羅浮仙子宅黍珠宮闕彩雲邊  
峯頭夜半先迎日洞裏春深別有天  
石室丹成灰未冷花村竹長筴猶鮮  
他年勾漏求爲令願得乘槎訪穉川

望羅浮與友人訂遊

屠孝義

達菴四明

流覽名山應及時羅浮在望獨遲遲  
時余署惠州象屢欲往遊而未暇  
得清宵易繞梅魂夢仙窟難尋蝶蛻遺  
遠近煙蠻皆湧翠高低螺髻各爭奇  
與君同蠟東山屐春日扶筇遂所思

七星松

屠孝義

千尺龍鱗聳碧天斗星位置恰依然  
化成黃鶴朝丹闕幻出青芝長玉田  
翠影離奇橫夜月怒濤澎湃入雲煙  
笑他十八丁公夢空惹紅塵幾許年

華首臺

屠孝義

虬松盤磴鬱蒼蒼華首臺空景物芳  
 無數蒲花浮淺碧幾多蝶翅染深黃  
時過林間黃蝶數百千飛出  
 鐘聲雲裏飄來濕梅萼風前笑自香  
 此是神仙真妙境石牀一枕任徜徉

望羅浮

王炳

青天削出碧芙蓉面面奇闊四百峯  
 絕頂夜看初日浴上方都入白雲封  
 樓分大小翔珠鳳瀑掛東西下玉龍  
 那得御風從葛令登壇共撫七星松

擬遊羅浮

李

郁

長文順德

一自蓬萊失左股羅山常竝海山浮  
 好尋靈境長年藥共樂仙家不老秋  
 崖室半含丹竈火洞天遙聳白雲樓  
 探奇此日登臨興欲上三峯上界遊

真靈真身

羅浮冲虛觀

釋今覲

鐵笛梅花洞口寬  
画梁煙鎖御書寒  
末蟲有意緣符竹  
仙鶴何心立古壇  
明月自來浮赤水  
鈞天誰復奏黃冠  
空餘蝴蝶叢丹竈  
肯信人間一夢殘

題寶積寺

僧元覺

亂餘山路少人行  
古寺閒花滿徑生  
鐵鑄真僧重過火  
土頽金像不知名  
石幢有咒雲常護  
香閣無基艸自平  
頭白樵夫頻向說  
十年巖壑罷春耕

送蔡伯昭歸潮陽兼遊羅浮 僧元覺

先生歸去更何之  
牢落殘年是別時  
投老有心求至

道旁人何事。悵臨岐。仙洲漫採長生藥。石洞應留舊日詩。歸去靈山深處。隱閒雲來往。定何期。

遊羅浮寄跡刪靜主

僧元覺

羅浮直上飛雲頂。長嘯猶疑逼梵天。四百名峯當面出。一輪紅日正中懸。花開巖畔能留客。藥老谿頭賴有仙。回首同遊虛舊約。幾時重結住山緣。

羅浮詩

四首

海幢

釋古雲

雲菴

絕頂洪濛不辨天。此身渾是洞中仙。重巖日照光如洗。下界雲生白似綿。五色琉璃涵碧落。千般錦繡在

林泉。江山萬里空成畫。獨踞靈峯半悄然。

迢然溪竹路何危。欲入春山自不疑。花帶蒼藤開更艷。鳥多紅羽啄還遲。洞迷人影聲相叫。煙暗蠻妝色漸奇。誰現谷中茅半片。誤隨銀瀑一斜窺。

高高萬仞濕衣寒。天外孤筇不怕難。絕壁眼空低盡放。平崖魂倦繞初安。啼殘山鳥人偏老。摘得琪花興自寬。且把雲庵籠日影。好聲吟與葛洪看。

藥生樵徑不知名。石澗潺潺盡日聽。萬壑繞衣沾老桂。二樓閃眼小重溟。雲中古觀珠花樹。松下香臺貝

羅浮山志會編 卷二十一  
葉經。猿聽鶴歸無限意。人間誰是夢初醒。

初住羅浮

石洞僧

常時夢見醒來說。今日羅浮乃昔渠。夢裏相逢都若是。醒來所見定何如。高牕臨樹床頭鳥。細石通泉屋角魚。久住却嫌人境近。杖藜扶我入深居。

老人峯

石洞僧

誰將大冶轉洪鈞。鑄就金剛不壞身。山色溪聲真法界。銅頭鐵額老閒人。雲迎几杖行藏穩。鳥作兒孫笑語頻。莫道此中無曆日。覆眉霜色換青春。

歸隱羅浮留別陶握山羅戒軒

釋成鷲

跡刪

入山踪跡恐人知。一笑相逢是別時。苦海看誰先到岸。長途憐我始分岐。貧慙軹里能將母。老怪柴桑亦戀兒。底事累君良不淺。未應還索贈行詩。

初入羅浮寄呈石洞本師

釋成鷲

萬事皆休豈復疑。美中不足但違師。眼前畊鑿無關道。心在耰鋤漸廢詩。坐對潺湲通語默。歷窮岑巘得平夷。主人欲問羅浮事。荆棘當門花滿籬。



過華首臺

釋成鷺

人生那得四百歲。一歲羅浮住一峯。去日轉多來日少。南山遊遍北山同。倚檐雙瀑晴天雨。夾路千松暑月風。地主不收僧借去。古臺移向洞門東。

歸自羅浮過鐵城諸子述洞天之勝

釋成鷺

年來莫訝到城稀。纔到羅浮昨日歸。渡海呈山雲出袖。當人說瀑冷侵衣。禮隨筋力容疎放心似顛毛。漸細微良晤未知頻。得否秋風孤鶴又南飛。

羅浮山居二十二首

釋成鷺

閒身初住鐵橋東。回憶家山事事同。就樹選藤增健僕。入林逢藥慰衰翁。峯高豈礙當中日。谷靜常來正面風。誰信嶺雲猶可贈。不堪持贈但長空。洞門不掩有雲封。土面灰頭學老農。野菜盈筐因長筍。枯柴克擔爲憐松。地爐自種經旬火。水碓長留隔宿春。莫道此間寡鄰並。午齋風送遠山鐘。

安居原不涉思惟。莫道吾宗也大奇。夙習未能遵世諦。虛名偏喜少人知。水邊黃葉隨流去。樹裏青山背

日移拾得一枝無孔笛。前人吹破不堪吹。  
年來得力是忘機。物外孤心漸入微。蟲惜清聲終夜語。  
鳥因昭質傍林飛。憑他風雨能侵席。到處晴陰不掩扉。  
半角好山誰作主。自憐臨老始知歸。

古堂流水細通渠。憶昨郎官此讀書。斷碣有趺藏鼯鼠。  
方池無底漾蟾蜍。青山綠樹長爲客。翠竹黃花盡起予。  
但得把茆安杖笠。不愁無地種紅蕖。

宿雨初晴策短藜。看雲行到亂峯西。眼前圖畫無人繪。  
皮裏詩囊且自携。果熟靜觀連蒂落。松高曾記與眉齊。  
分明一簇香風過。開遍山樵又木樨。

莫訝居山祇一身。從來賢達泯疎親。破鎗折脚安三耳。  
古廟當頭識四鄰。阿耨日高光澈底。蓬萊月上淨無塵。  
老僧未必全消得。解與吾宗在道人。

六時禪誦又斜曛。童子燒香禮願文。向晚也須遲掩戶。  
前峯猶有未歸雲。巖猿宿樹仍留果。社鼠依山亦斷葦。  
莫怪痴心愛狂黠。相逢盡道不如君。

引泉歸舍問寒暄。酌水臨流識本源。百尺青蛇分地脈。  
一條白練出雲根。桔槔久廢因齊物。機事都忘只

灌園却笑當時漢陰叟。從無佛處也稱尊。

清晨客至暮方還。問我何心住此間。在世但知聊寄跡。旁人都說是居山。近嫌路有樵人識。漸覺門須待子關。他日與君相見處。斷崖移屋不堪攀。

疎林微月晚涼天。留與閒僧坐試泉。老蚌腹將弦後魄。枯桑傳得鑽頭煙。波沈桂殿涵三五。影滿茶鐺煮大千。惟有道人知此味。一杯寒澈夜深禪。

雲頭雨足楚娃腰。特地奇峯出漢霄。微路暗通行石媵。把茅牢結凭松寮。竈邊泉號孤僧井。屋角田供一歲瓢。箇是老夫歸宿處。時人驚棄幸相招。

終朝役役嘆吾曹。絡馬穿牛共一牢。野蘭結成空自縛。文蛾飛去不堪縲。重樓變幻隨孤蜃。大地浮沉仗六鰲。何處藏身沒踪跡。華亭船子自家操。

一日能閒一日過。山中幽事豈須多。風前衆竅呈莊籟。月下羣猴學楚歌。土掬丹爐泥破竈。葉收仙篆補殘策。外邊憑語應難信。曾記兒時訝橐駝。

磴道尋僧坐試茶。石泉槐火足生涯。前人喫過成渣滓。上客拈來薦齒牙。雲外鳥窠春下種。雨前雀舌晚

抽芽不嫌揀擇無煙火。豎起旗鎗果作家。  
大地全安曲象床。尙餘閒隙置皮囊。三間破屋難留  
客。一箇孤僧亦過堂。納得須彌無芥子。持來贖藥有  
真方。閉門刈取庭除艸。歸去爐頭較短長。

昨夜燈前細雨聲。曉來林鳥報新晴。日乘風勢排窓  
入。雲寫山光對枕橫。蓮房未落兼花供。芋屋初開帶  
葉烹。二六時中且如此。明朝依舊可憐生。

盤渦流瀑下泠泠。上有前賢洗耳亭。自是一塵難遣  
住。未知何事不堪聽。能輕南面名長在。解吸西江道  
始冥。借問當時巢與許。深山那得異堯庭。

飛雲天半碧層層。萬仞孤峯不易登。行遇斷崖看撒  
手。去當無路莫牽藤。一莖細艸皆成藥。方寸閒田可  
住僧。多少懦頑難到處。程途終日問南能。

風吹涼駛入懷深。坐對山光靜理琴。莫道無絃彈得  
好。從來此曲少知音。蹄空未易兼忘兔。情盡猶難在  
遣心。獨抱南薰終古後。不傳惟有水仙吟。

靈山會上老瞿曇。闕里先生柱下聃。假使相逢同丈  
室。不知誰復發高談。輪成九達應同轍。鍼臥三淵盡

近世滿佛有數說  
以為高以勝於周孔  
者其然也病根

也以為與聖人同者  
其受其後以誘人  
也以為本同末異者  
其受其後也至其  
陽儒陰佛則變  
極力為術益精為後  
孫巧也嗚呼法  
感而晉字哀禪法  
感而宋不疑二代  
禍必出一轍也後  
亦鑒乎夫佛受

日感者中國之合  
助為惑之品也不法  
以四十二年年等經  
一係係部俚俚如  
日能感人之其甚  
劫何叔京曰外浮  
屠之徒感人也尊  
之者之罪也如言  
保福之徒感矣

指南大笑腐儒今學佛。艾著猶自說亡簪。  
經旬銅片一開奩。靜處窺形敢自嫌。任運去留今面  
目。因人嘖笑舊鬚髯。山風浩浩雲歸岫。天宇澄澄月  
到簾。獨往獨來還獨語。我生何幸老窮檐。

客珠崖懷羅浮寄山中諸子十四首

釋成鷲

隔水看山東復東。片雲無住寸心同。出逢岐路誰家  
子。釣盡江波何處翁。覆頂千絲難禁雪。當門兩齒不  
關風。身閒投老知何日。獨倚孤筇問碧空。

海濤近枕夜淙淙。旅夢鄉心未易降。乘月一歸雲裏  
洞。挂帆猶記寺臨江。三身衣覆枯僧榻。四壁燈明古  
佛幢。香印半銷人定後。飛蟲何事觸明牕。  
洞裏主人去不來。好山拋向白雲堆。巖花落盡空中  
雨。野火燒殘劫外灰。虛室豈宜終日閉。重門相待及  
時開。懸知開後仍虛室。寄語同參莫見猜。  
野老經年別古壇。東林岑寂葉重丹。鶴藏雪裏微窺  
頂。鷄鬪蓬中自正冠。月滿鐵橋人過少。臘殘瓊瑁客  
歸難。春來擬補尖頭屋。去拾松花就地餐。

當時一入便忘還。分得雲房屋半間。笑我往來仍渡海。輸他飛去不離山。拋將松竹無田地。領取生涯有死關。庵主縱歸難得見。孤峯從此絕躋攀。  
三條篾束十圍腰。漸遠塵寰近碧霄。雲水相投因繫屋。蕨薇將罄便移寮。人間未易開雙眼。林下還思挂一瓢。早晚閒身定歸去。小山叢桂不須招。  
九十春秋強半過。住山時節苦無多。海濱自顧垂垂老。林下還思踏踏歌。雲壑晚煙籠瀑布。石門晴日曬藤簑。主人何事不歸去。笑殺南邨郭橐駝。

一鉢雕胡七椀茶。衲僧隨分有生涯。摩醯頂上開新眼。香象雲中痊舊牙。結社更思修白業。還山不礙煮黃芽。庵西道者如相問。宕子年來解破家。  
止有雲霞覆短床。不留餘物在空囊。因探泉脈移茶竈。爲愛松風結草堂。一日別山同隔世。經年高枕當參方。老來漸覺無筋力。歸路爭如歸興長。  
多謝山翁遠寄聲。別來林下幾陰晴。堦前掃葉雲容亂。樹底窺花雀尾橫。拾得仙砂無法煮。種成鬼芋待時烹。知君笑我長爲客。歸日何曾面目生。

洞門流水碧泠泠經過人間不暫停谿舌廣長當下  
見雷聲浩大靜中聽逶迤入海成波瀾迢遞看山隔  
杳冥獨有庵西泉一綫夜來涵月浸空庭  
獨木橋邊水自流閒鷗野鶴自相投垂楊未識青驄  
馬細艸偏宜白牯牛海日射開新病眼晨鐘驚起老  
枯骸山中事事堪相憶昨夜松牕月一鉤  
癯形衰態笑窺奩世眼相逢豈免嫌自有天生窮骨  
格不須人羨美髭髯林間得病常欹枕海外無寒亦  
下簾正憶故山此時節梅花和雪壓重檐

細寫新詩寄嶺南區區誰識是全函止啼黃葉從君  
玩無口匏瓜且自緘風轉谷聲鳴衆籟日迴竿影下  
長杉何人領取居山去脫却平生鶻臭衫

歸路再經羅浮不能遊焉賦此留別

釋成鷲

曾與洞天成密約今來歸路復何言青山當面又虛  
度白首盟心永弗諼萬壑有風皆到海一溪無水不  
通源幾回領畧羅浮遍莫笑麤人空過門

意外堂陪宋觀察夜話時有羅浮之約不果

行

釋成鷺

欲訪仙人華子期東江春漲滯旌麾  
名山好夢難成候細雨寒燈共話時  
石洞艸荒僧已老蓬山水淺路多岐  
飛雲半夜三更日獨立孤峯知是誰

華首臺

釋行敏 惺學

有約羅浮不易逢偶來林下問仙踪  
遙看茂樹餘千麓初入名山第一峯  
華首已非昔日會緇流猶撞舊時鐘  
浪遊欲極溪巖勝竹杖憑須化作龍

登飛雲頂

釋行敏

岩堯絕頂幾人登萬里天南一柱撐  
紅日夜分波底見白雲山半樹頭生  
儼然身世依蓬島誰道峯巒非玉京  
翹首凌霄應不遠劉安雞犬似聞聲

別華首臺塵異禪師

潘 耒 稼堂 吳江

應是前生有夙緣萍踪邂逅便欣然  
同觀浴日無央海共踏飛雲有頂天  
說法憑君超性相論文許我透中邊  
此心不隔毫端在莫問離程去幾千

望羅浮作

潘 耒

曾踏飛雲第一峯雞鳴海日浴芙蓉  
十年長是裁詩



憶萬里何期到眼重。白入九霄龍洞瀑。青籠一谷石樓松。鸞吟蝶舞如相待。準擬秋深策瘦筇。

將有羅浮之游簡張別駕北山

時攝篆博羅

顧嗣立

俠君吳門

世傳詞藻張平子。好客天南集勝流。半刺翱翔鵝水闊。雙鳧飛舞象山秋。冲虛觀是仙翁闢。華首臺因菩薩留。願借圖經親指點。篋輿引夢到羅浮。

夜宿冲虛觀

顧嗣立

真到朱明七洞天。黃昏獨謁葛神仙。寒添薄絮知雲襲。風閃殘燈背雨眠。雞唱曉光生海日。蟲鳴秋色一庭煙。芒屨筇杖忙收拾。好蹋飛雷第一顛。

山行次韻

顧嗣立

仙茅符竹綴疎籬。玉女娟娟露秀眉。圓石長苔漫赤字。方田流水種青芝。風披弱草山疑動。雲出孤峯僧獨知。迷路得君頻指引。扶筇不惜手同攜。

贈冲虛觀張雲仙道士

顧嗣立

道人特愛長生水。移住羅浮四百峯。藥市草香鳴翠鳥。斗壇夜靜降銅龍。當年吳苑施奇術。何日名山訪

羅浮山志會編 卷二十一  
舊蹤蝶繭竹符仙迹在鐵橋空悵白雲封

僧樓望月有懷塵異上人

顧嗣立

錦屏峯合夜嵯峩劫裏喬松脫斧柯

羅浮古木盡遭兵火惟華首臺

獨存星亂水流鳴澗急月斜山入小樓多三千仙境終

難到

余以未登飛雲頂為恨

五百真人曾此過慧遠錫飛何處

去白蓮後會未蹉跎

梅花村

劉世重

仰山香山

路入平田野燒痕茅簷

傍山根松風故作前谿

雨梅月忽來何處村

壺春寂歷雪殘瑤圃鳥

飛翻芒鞋欲遍諸峰勝取次尋幽到石門

飛雲峰

劉世重

曜真靈嶽際天寬日出中峰夜未闌玉樹碧連阿耨  
塔琪花香繞聚仙壇凌空霧霰侵衣溼駐足雲霄覺  
影寒更倚鴻濛最高頂百城一撮笑中看

上界三峰

劉世重

萬仞丹厓十洞天直排閭闔賦遊仙峰峰鼎立虛無  
裏步步猿攀日月邊石白靈苗僧採藥水簾飛瀑客  
探泉行逢皓髮鋤雲叟招手青羊話紫煙

鳳凰谷

劉世重

雙山縹緲絕塵蹤。木客追攀信短筇。出洞有雲時五色。入天無雨自三峰。池開夕照翔文鳥。石憩蒲團偃法龍。何處仙人鸞鶴奏。月明深夜聽淙淙。

玉女峰

劉世重

窈窕霓裳下翠屏。一珠曾列七襄星。誰將天漢支機石。幻作炎陬福地靈。瑤室佩環勞想像。巫山雲雨迴空青。鮑姑鸞轡麻姑鶴。好好聯翩叩月扃。

鐵橋

劉世重

絕巘層巒杳不窮。天成峭壁跨長虹。五丁不用開爐冶。大造何須費斧工。匡阜石梁分脈絡。銀河靈鵲與虛空。迢迢煙磴誰曾度。除却飛仙有路通。

雲母峰

劉世重

拾得星精澗道旁。仙姑巖壑曉蒼蒼。拔殘十二雲英杵。剩却雌雄寶鼎方。寂寞笙簫歸月殿。葳蕤蝴蝶上花房。謾誇紅玉千年洞。白石青霞信渺茫。

雙髻峰

劉世重

生長蛾眉本十洲。偶隨鸞鶴到丹邱。平梳翠鬢朱明

羅浮山志會編 卷三十一  
三  
曉竝綰雲鬟碧落秋天上月輪疑寶鏡海中蜃氣是  
妝樓會須倒汲銀河水洗盡人間粉黛愁

朱明洞

劉世重

冲虛觀北朱明洞。嶽麓真人舊掩扉。寂寂寒潭誰洗  
藥。離離仙蝶想遺衣。松聲一派流雲響。野色三更浸  
月微。試訪葛洪煉丹處。玉芝瑤草帶煙肥。

卓錫泉

劉世重

高僧曾此留飛錫。一竇靈泉應錫生。清可照天無色  
相澹能涵月有虛。明崖前雨過苔衣淨。洞口風迴蝶

翅輕待挈銅餅煎。墮葉黍珠樓下聽經聲。

蓬萊峰

劉世重

神鳥遙分越海西。列仙危磴與天齊。鉢盂霧重藏玄  
豹。錦繡春深長碧雞。十二樓臺爭洞穴。三千世界盡  
招提。憑誰乞取長生訣。笑指曇花落杖藜。

麻姑峰

劉世重

何年仙女御雲輶。貝闕璇房駐桂旌。月魄照孤環佩  
影。露華飄落步虛聲。珍禽的的來蓬島。金線茸茸自  
赤城。斷絕塵寰脂粉態。峩焉壁立倚秋清。

孤青峰

劉世重

突兀危峰一柱孤，松濤石籟鬱清都。崑邊紫蓋延年  
草，葉上籀文厭虎符。華首旃幢原響應，長春殿閣已  
榛蕪。投筇憩足金沙澗，采采安期九節蒲。

石樓峰

劉世重

大小樓峰相向奇，朱仙禪悅有茆茨。久沉谷口一聲  
磬，留得山中數着碁。曳樹殘霞滄海近，叫空孤鶴彩  
雲疑。何當信宿南樓寺，臥詠東坡小圃詩。

黃龍洞

劉世重

檜柏陰森洞宇寒，上方魚磬落雲端。天華夢冷傳南  
漢，道士松高訝斗壇。十里石梁通翠嶂，九霄靈御渺  
青鸞。紅爐歇盡金沙氣，賸有黃龍水石盤。

水簾洞

劉世重

一派奔湍下五龍，泠泠珠箔掛高峰。花飛曲澗千山  
雨，雪濺懸厓萬壑松。石臼已無紅翠集，月巖還有綠  
苔封。軒轅舊宅秋聲外，悵望羅浮築碣東。

瑤石臺

劉世重

清曙捫蘿入杳冥，白雲如絮覆金庭。盤空一氣瓊瑤

色拔洞千羣鳥獸形參錯頗疑天竺怪玲瓏還羨太湖清思從邃谷尋真隱傍着陰厓結小亭

青霞洞

劉世重

閒持白水泥丸術來問青霞谷口仙龍虎丹成曾幾日蓬萊蟬蛻已千年雲辭石室惟朱草鳥散瑤臺但紫煙回首甘泉樓隱地鶴孤松老晚峰前

幽居洞

劉世重

歷盡谿衍路漸平白雲開處梵音清旃檀枝老見猿桂南燭葉乾聞鹿行出壑月銜書院靜奔巖泉潤藥苗生憑虛不見逍遙子散髮峯頭問許瓊

桃源洞

劉世重

一道飛泉響雪濤會仙橋帶雨厓高繁英片片隨流水溪澗泠泠見碧桃洞裏煙霞憑鶴引雲中雞犬向人號沿溪直溯龍潭去看取丹陽舊藥槽

月夜同友人登浴日亭得虞字

楊應琚

佩之奉天

今日登臨實不虞天風吹我上亭隅前人詩賦留碑碣此夕江山入畫圖滄海百年通貢使文章一代屬

迂儒新沙漲滿黃灣水。浴日名虛夜月孤。

遊符竹峯下西溪

與諸同人作得遮字

楊應琚

符竹峯頭雲半遮。杖藜先去水西涯。一灣折處成幽壑。幾道飛來濕落霞。傍澗石窩如井臼。縛松藤蔓似龍蛇。羅浮此是最深處。更有溪山山外斜。

次吳二建中

遊華首臺韻呈塵異上人

楊應琚

遠公雅意未曾酬。華首重來作勝遊。一徑任教春草沒。兩溪常見雨花浮。高飛翠嶂雀五色。閒倚青松僧白頭。我到空山已十日。可能銷盡百年愁。

羅浮山志會編卷之二十二

長洲宋廣業澄溪纂輯

藝文志十三

國朝五言絕句詩

羅浮

梁佩蘭

藥亭南海

本是蓬萊岫。南來逐海潮。雙峯連碧漢。上有一天橋。

鐵橋

四首

梁佩蘭

二山相接處。賴有一飛橋。天作羅浮帶。無令逐海潮。

其二

羅浮山志會編

卷二十二

詩

羅浮若夫婦一合不復離只恐鐵橋斷大川來間之

其三

羅主浮爲客相依甚有情一橋通血脈終古似雲橫

其四

橋下一飛泉散爲諸瀑布泉界羅與浮仙人不得度

觀瀑

梁佩蘭

白晝泉濛濛乍看若煙霧風吹忽倒飛半掛崖邊樹

對梅

八首

梁佩蘭

只須開一樹香已滿舍風清絕無魂夢相看至夜中

其二

誰道南無雪紛紛作早梅枝頭有紅翠一啄一花開

其三

春入南枝早含香不欲開爲天留一半風日莫相催

其四

香透豎冰出開時及一陽沾苔君莫掃片片是春光

其五

向夕山煙斂花光一片寒若非香不斷都作月明看

其六



南國雖無雪紛紛在鬢絲梅花吾與汝同是白頭時

其七

寂寂空林裏花開若有人夜深枝上鳥驚出月光頻

其八

香自暗中生消人寂寞情聞香難入夢徒倚到深更

梅花村咏梅詩多用趙師雄夢美人事若真歆羨其遇之奇者作此翻之

望獅子峯

梁佩蘭

山翠晴猶濕空濛翠作煙天門何所有倒掛一晴川

葛洪衣冠塚

何代葬神仙朱明深洞邊遺衣化蝴蝶五色似霞鮮

羅浮曲 二首

梁佩蘭

可憐羅浮山離合亦有時天雨羅浮合天晴羅浮離

其二

賴有一鐵橋高高跨紫霄羅浮離復合不用涉江潮

梅花村作

梁佩蘭

花發當村口牛羊踏幾層仙人餐不盡多半化為冰

倒挂鳥 二首

梁佩蘭

已食沉水煙復藏雙翅內時放煙氤氳幃中香久在

其二

黑潤與黃沈持薰倒挂鳥不教雙翅開收得香煙少

羅浮通天巖

梁佩蘭

玲瓏上通天側疊下結屋莫策猢猻藤入驚白蝙蝠

合掌巖

梁佩蘭

老僧宴坐時終日長合掌山鳥無一鳴惟聞瀑聲響

曼陀石

梁佩蘭

分明一道泉練練垂石上好是曼陀花諸天來供養

藥槽

梁佩蘭

藥槽飛節芝香氣上衣領時有搗藥禽龍潭過留影

曼陀石

陳阿平

獻孟東官

高瀑濺天花中有曼陀石溪聲遶四圍盡說無生法

合掌巖

陳阿平

天留合掌巖以待余宴坐借問巖中人空生何似我

冲虛觀雜詠十首

顧嗣立

俠君吳門

朱明洞

中虛窈無底日月出其裏北通句曲天大道五千里

葛仙翁手植古梅

老樹已枯折根上復長新枝高四五尺許

蚪龍怒佶屈。半夜裂石死。天矯愛新枝。著花去年始。

稚川丹竈 高五尺周六丈道士取竈中土為丸號曰丹渣嘗以餉客云可

療腹疾

丹竈留丹渣。至今厥土赤。夜夜騰神光。照見峰頭石。

長生井 井為張道士雲仙所鑿味甚冽掘土得古器數枚疑即仙翁丹井也

傳聞地獻寶。靈液出豐草。每日汲三升。何必安期棗。

東坡山房 今為菜圃後有據梧臺右有釣魚石池

據梧臺作牀。釣木石容膝。樹影涵波光。中有東坡室。

白蓮池 在麻姑峯下

一勺仙源水。麻姑此駐車。夜峰邀月至。迸上白蓮花。

會仙橋

斷木架清溪。石橋那用作。仙人足踏雲。來往自飛渡。

朝斗壇 東坡所云朱真人朝斗壇觀壇上所獲銅龍六銅魚一即此

銅龍自天落。夜半斗縱橫。壇上真人去。猶聞珮玉聲。

黃野人廬 野人稚川弟子服丹為地行仙廬常有啞虎守之

空山瘖虎臥。長嘯幾千年。天上多官府。輸他作地仙。

藥市 今無考惟書堂南有藥槽石曰乃是稚川煉藥所遺

藥槽流水外。藥市草離離。清夜風泉急。玎璫叫藥師。

羅浮山志會編 卷三  
五  
禱藥鳥一名藥師

合掌巖

楊應琚

此石有靈根終年常合掌日暮抱琴來坐待山月上

卧游石

楊應琚

仰對半規月低看百尺松一羣五色鳥飛過錦屏峰

卓錫泉

楊應琚

高僧一卓錫流出羅浮髓時有素心人持瓢來飲水

其二

楊應琚

秋冬泉水深春夏泉水淺執此問寺僧默默不能辨

國朝七言絕句詩

席間有談羅浮神蝶者賦二絕句紀之

梁佩蘭 藥亭南海

天上文章被數重羅浮山色共葱蘢仙人藉爾為來往騎踏飛雲第一峯

洞門深處綵雲開珠樹花中結異胎大似車輪小團扇好遊金闕住蓬萊

卓錫泉用東坡佛跡石韻 王煥子千  
鳥道羊腸九曲開山僧隻履踏雲來誰人卓錫留泉  
細無溢無枯但碧苔

海幢慧輪禪師惠羅浮品物四種

萬年藤杖 宋廣業 澄溪長洲

老藤生長仙山裏自古盤根不計年還與老人歸掌  
握朝辭陽谷暮虞淵

萬年松 宋廣業

小○草○勞○君○遠○寄○將○龍○鱗○虬○鬣○此○中○藏○移○來○返○照○桑○榆○  
外○寸○晷○分○陰○影○更○長○

丹竈泥

宋廣業

仙○人○丹○訣○在○泥○丸○冷○竈○無○煙○却○有○煙○出○實○入○虛○無○盡○  
藏○問○師○大○地○幾○時○穿○

竹葉符

宋廣業

朱○書○綠○葉○換○青○蚨○野○老○相○傳○辟○蠹○魚○借○問○韋○編○三○絕○  
後○不○知○何○處○著○仙○符○

仙奕石

繆時鳴

西泠  
香山

涼○雨○微○寒○透○短○簑○孤○筇○直○上○立○雲○窩○欲○從○黑○白○分○將○  
去○只○恐○人○間○爛○斧○柯○

老人峯

繆時鳴

物○外○心○非○世○上○身○天○風○吹○處○絕○囂○塵○依○稀○認○取○羅○浮○  
路○萬○仞○峯○頭○拜○老○人○

梅花村梅花

管永賢

書誠  
吳縣

虬○枝○鐵○幹○獨○凌○霜○洞○口○花○開○發○異○香○留○與○仙○家○團○作○  
飯○不○調○鼎○鼐○奉○君○王○

初到梅花莊口占寄諸法侶六首

釋今但鹿巽

老人峯下鐵橋邊。曾有先人舊置田。庄號梅花亦清趣。不妨身作老南泉。

煙嵐重疊數峯紆。阡陌相連百畝餘。陌外溪流鐵橋水。尋常策杖意多舒。

一丘一壑正相宜。水秀山清慰所思。塊石枕頭何代事。寥寥古道憶吾師。

幕天席地即繩床。微月峯頭助夜光。擁毳坐來羣動息。安心似不費商量。

雨過土竈猶流水。日上茅茨未起煙。早炊還到午炊熟。飲啄隨時但聽天。

壽昌七十亦耕田。此意于今不復傳。誰向末流思砥柱。同人遮莫浪攀緣。

舟過石龍見羅浮山

顧嗣立俠君吳門

秋肅高旻接翠微。山花洞蝶共雲飛。擡頭真見仙翁宅。不入羅浮斷不歸。

九月七日自博羅至羅浮道中口占得四絕

句

顧嗣立



羅浮山志會編 卷二十三  
披絮峰巔漾日華。籃輿斷澗似浮槎。莫嫌嶺外冬無雪。早白山田蕎麥花。

溪聲泱泱亂秋毫。冒雨尋山獨我曹。四百峰頭連夜雨。飛泉萬道捲銀濤。

黃茅白草響颼颼。迴伏岡巒道阻修。忽見山坳濃潑黛。碧天無際擁羅浮。

傍晚煙嵐漲碧空。雞聲隱隱出雲中。仙翁定是知余到。牛背童吹一笛風。

五色雀

五色雀海南人呼為鳳異物志謂山神使木客鳥迎貴人即此雀也

羣飛數十弄毛翰。五色離披亦可觀。漫託仙家呼小

鳳。俗情只把貴人看。

余靖五色雀詩多謝相逢殊俗眼謫官猶作貴人看

竹葉符

生劉仙壇左右葉上文如篆籀

顧嗣立

翠葉縱橫畫不如。斬蛇驅虎降天書。劉仙祕訣難傳得。留伴芸香辟蠹魚。

劉禹錫詩祕訣猶傳竹葉符

蝴蝶繭

顧嗣立

徧地搜尋蝶繭回。筠籃顆顆白成堆。紅蠶青繭絲如瓮。機上天孫不下來。

卓錫泉

泉有九孔味極甘冽

顧嗣立

九孔涓涓汲更流。品泉重續昔人遊。詩成爲誦坡仙句。獨飲泉旁自獻酬。

洗藥池

林一仙遺跡  
山志不載

顧嗣立

七葉靈通飛節芝

靈通草小如箸頂開七葉虛中兩頭實聾者服之即通飛節芝松脂

三十年者皮中聚芝狀如龍形大者十斤俱產羅浮

丹成服食竟何之。不因一

勺仙源水誰識林仙洗藥池

合掌巖

顧嗣立

真人高會此登臺。巖洞空中裂地開。頑石也知同聽法。峰頭合掌拜如來。

舟抵石龍望羅浮山

楊應琚

此來特地訪仙踪。兩日羊城抵石龍。恰有羅浮僧在坐。向余笑指老人峰。

閒坐雨花橋次吳太守韻

楊應琚

松枝覆地鳥聲低。多少山花踏作泥。雨後携琴橋上坐。西溪流水入東溪。

黃龍洞觀瀑布水

楊應琚

石徑松壇小雨晴。杖藜獨傍澗邊行。峰頭兩道瀑布水。飛作滿天風雨聲。

宿酥醪院晨起口號

楊應琚

石徑逶迤古木疎道人飯我摘園蔬  
小樓一夜空山雨澗水新添數尺餘

登酥醪觀前山望白水門

楊應琚

白水門高縱目看碧峰尖處水漫漫  
飛泉直下三千尺十里吹來毛骨寒

泛香溪

楊應琚

湛湛清波兩岼松山光雲影幾重重  
羅浮七十二溪澗一水原通四百峰

題水簾洞

楊應琚

飛湍遙向懸崖落珠箔常從雨後添  
疑是漢宮三十六月明齊下水晶簾

自香溪回望羅浮山與山誌別

楊應琚

山中一道白雲起割破羅浮兩截青  
寄語鐵橋橋下水愛他千載獨泠泠

後序

從來勝境顯自名人在管高編成於  
巨手向使梅嶼未逢和靖誰傳放鶴  
之高風蘭亭不遇右軍孰紀流觴之  
盛事唯宏稽夫玉軸欲廣載夫琅函  
為覽朱明原鍾清淑山分碧海來浮  
島之一邱景聚丹天合羅山為雙嶠  
似形睽而翼比若璞異而珠聯鐵鎖

危橋臥長虹于絕澗玉霏寒瀑挂匹  
練于懸崖雲起巖扉顯晦忽殊于頃  
刻日生子夜陰陽始剖夫洪濛此極  
百粵之奇靈盡兩間之神秀者也然  
而賞與時遷物隨境換叩仙人之舊  
館蜨夢難招訪高士之孤邨梅魂不  
返藥槽丹竈半掩白雲玉室金堂都  
埋青靄卽有摩崖健筆祇留于苔封

斷碣之餘非無呼座豪吟僅得諸壺  
蝕殘編之後不有撰述恐致淪遺然  
非冠古之才莫紀鍾靈之域惟我  
澄溪宋老先生漱雪心腸早挾梅花  
之賦凌霞風槩常題桂樹之篇始分  
製錦餘絲經綸泉石旣沛為霖大澤  
揮灑雲煙沾嶽色以東還蘭臯舒嘯  
係額雲而南出菊圃畱題

先生有蘭臯詩  
刻及菊圃二十咏

爰以頤養之優游樂此著書之歲月  
緬浮邱之遺蹟不廢編摩思葛令之  
遐踪特為紀次採百家以立說山靈  
之生面復開繪萬象以分編海外之  
文章盡發非第續曼倩十洲之誌  
為超世之遊觀抑將共少文五岳之  
圖直作曜真之主宰矣 昔  
康熙五十五年丙申嘉平之吉

教授文林郎廣東惠州府龍川縣知縣四  
明後學屠孝義拜書



跋

乙未春余來訪 澄溪先生於端州  
郡署先生為余重刊古文賞音行之  
粵中歲十月將辭去先生要余以來  
春同遊羅浮乃聽歸丙申三月束裝  
東遊過大通寺邀東樵長老偕行東  
樵者少出家于羅浮熟其塗徑凡巉  
巖峻嶺流泉瀑布之勝登涉之險夸

出入之深淺無不周知可以計日早  
暮量力勞逸決行止之宜且長於詩  
文足與先生更唱而迭和故欲與之  
俱庶斯遊之無不暢也及抵大通而  
東樵難之謂水潦旣降瘴氣將作跋  
履之險未若臥遊之樂因取架上羅  
浮山志以贈先生覽之喟然曰是山  
誠不可無志也然而猶有憾願為山

靈一洗刷之旣返署令似端州君善  
承公意彙致諸書恣採擇焉先生手  
披目覽正其譌舛增其闕略別其條  
理每成一卷輒以相示其有疑則還  
以質之東樵先生年七十矣童顏鶴  
姿飄然若仙及其揮毫落紙識遠而  
思精蓋有壯夫所不逮者凡八閱月  
而書成粵中名卿鉅公莫不欣喜歎



服弁以序言况余朝夕相依耳濡目  
染敢無一言以識其盛乎雖然余之  
言何足為先生重故鄉之士莫不注  
想於先生余請挾此以歸令知先生  
精神之強固意興之豪邁髻而好學  
者若是以重為知交慰也 旨  
康熙丙申仲冬同里世晚生謝有輝  
拜手謹題



跋

中和與

澄溪老先生蓋世交也 先君子與先  
生之叔 相國文恪公為同年和叔  
父大中丞立菴公向與先生同官畿  
輔仲兄擎一任青州司馬為先生屬  
員受恩最深和昔遊關中先生與張  
謙齋謝靜巖諸君子引為知己意氣

相孚回想如昨倏已廿餘年矣丙申  
秋筮仕博羅一日遇先生於三水驛  
館中先生引而進之歡然道故語及  
嶺南佳山水未有如博邑之羅浮山  
者且出所纂山志會編以示嗚呼郡  
邑山水之有志吏乎斯邑者之責也  
和初至博邑遇佳山水而不暇遊矧  
暇為志今幸得先生先我而志之千

里同心廿年一日因念關中分袂以  
來和碌碌無成而先生觀察濟東辭  
祿歸養品高望隆卓然推重於當世  
茲就養端州又出其餘緒著為不朽  
文章名山增色令似端州刺史公復  
壽之棗梨貯版於山之華首臺長為  
下邑光和辱叨世講而又遇是志之  
適成不亦和與茲山之厚幸乎哉敢

拜手而識數言於簡末云 肯

康熙丁酉仲春惠州府博羅縣知縣  
三韓吳中和謹跋



家大人雅愛山水宦遊所歷輒訪聞  
名勝不憚登臨搜奇索奧形之詠誦  
癸巳春余小子以比部郎秩滿出守  
肇慶奉大人之官度庾頽望韶石徬  
徻其間喜溢於色顧余小子曰頽南  
有羅浮兩山為粵山之望必有什百  
倍於是者會當一遊庶不虛此行矣  
留署四載近而越秀巖遠而蒼梧


桂林無不遊覽而羅浮獨以其山之  
深徑之僻故未卽徃及欲徃又以春  
深瘴生終不果行爰取羅浮山諸書  
彙訂之以當臥遊余小子定省時見  
大人手披目覽早暮不輟竊恐其勞  
神而大人樂此不為疲也志旣成名  
之曰會編兩粵名卿鉅公惠以序言  
謂足使山靈增色并為天下後世未

遊者假之耳目咸得覩聞其勝抑亦  
盛矣夫志之精覈詳審閱者共知若  
夫握管獨斷取材之富歲月之勤有  
非外人所及見者因付剞劂而敬及  
之廣東肇慶府知府男志益百拜謹  
識



林林總總遊覽而

溪徑之僻故未即



端瘴生終不果行爰取羅浮山

之東輦輿疾吟疾畏志益百拜

非於天祗及貝香因竹俯颺而嬉及

夫豈善辭禮如林之富熾凡之健夜

益矣夫志之赫靈善審閱者共吟

茲芥則之耳自為野賤聞其韻林亦

